

Ineqarnermut, Attaveqarnermut Aatsitassanullu Naalakkersuisoq
Landsstyremedlem for Boliger, Infrastruktur og Råstoffer

Inatsisartunut ilaasortaq
Olga P. Berthelsen
Kalaallit Nunaanni Inatsisartut
/maani

A/S Inissiaatileqatigiiffik INI-p pappiaqqanik nalilinnik kr. 250 mio. kr.-it nalinginut pisinera pillugu

A/S Inissiaatileqatigiiffik INI-p 2003-mut ukiumoortumik naatsorsuutini takuneqarsinnaasutut pappiaqqanik nalilinnik kr. 250 mio. kr.-it nalinginut pisisimaneranut suna tunngavigineqarsimanersoq pillugu Naalakkersuisunut apeqquteqarputit. Sisamanik aalajangersimasunut tunngasunik apeqquteqarputit, taakkulu matumani immikkoortillugit akissuteqarfigissavakka.

11. september 2006
J.nr. 37.23.03

Postboks 909
3900 Nuuk
Oq/tel +299 34 54 00
Fax +299 34 54 10
iap@gh.gl
www.nanoq.gl/iap

1) A/S Inissiaatileqatigiiffik INI-p pappiaqqanik nalilinnik 250 mio. kr.-it nalinginut pisisimaneranut suna tunngavilersuutaasimanersoq paasitinneqarnissamik kissaateqarputit. Tassani tunngaviusoq tassaavoq aningaasat attartortut akilersimasaasa inissinneqarnissaat. Akiliisarnerit 1995-imilli ingerlaannartumik pisarsimapput.

Akiliutit qularnaveequsiinermut, attartortut nalinginnaasumik iluarsaassinernut akileeqaataassutissaannut minnerunngitsumillu attartortut pilersaarutaasumik piffissamullu aalajangikkamut aserfallatsaaliuinissamut akiliutissaannut matussutigineqartarput. Tamatumunnga peqatigitillugu erseqqissarneqassaaq tassani aningaasat A/S Inissiaatileqatigiiffik INI-mit pigineqanngitsut pineqarmata. Aningaasat Namminersornerullutik Oqartussat pigaat; attartortut akiligaraat aammalu suliassanut siuliani taaneqartunut aalajangersimasumik atugassiaapput.

Ukiut tamaasa aningaasanik ikisisoqartarpoq, aammalu aserfallatsaaliugassat aallartinneqartarneri suliarineqartarnerilu ilutigalugit aningaasanik atuisoqartarluni. Akilikkat amerlanersaat iluarsaatassanut iluarsartuussinissassanullu atugassatut immikkoortinneqartarput. Tamatumunnga atatillugu erseqqissaatigineqassaaq, aammattaaq najugaqarfinni suliassanik, aatsaat ukiut tallimat qulilluunniit qaangiunnerini aallartinneqartussanut aningaasanik katersuisoqartarmat.

2) Aammattaaq pappiaqqat nalillit A/S Inissiaatileqatigiiffik INI-mit qanoq annerutigisumik iluanaarutigineqartarnerisut paasitinneqarnissannik kissaateqarputit. Tamatumunnga tunngatillugu ilisimatitsissutigissavara aningaasaatinik illuartitanik aqutsineq pillugu maleruagassat Namminersornerullutik Oqartussat nalunaarutaanni nr. 23-mi, 22. december 2003-meersumi allassimmata. Tassani ilaatigut allassimavoq aningaasat atorneqanngitsut taamaallaat aningaaserivinni kontonut ikineqarsinnaasut, imaluunniit pappiaqqanik nalilinnik, annikitsuinnarmik anaasaqarnissamut ilimanaateqarsinnaasunik pisinermut atorneqarsinnaallutik.

Kiisalu tassani allassimavoq, attartortitsisoq najugaqarfiit illuatitaannik ataatsimut aqutsinermik isumagisaqarpat, najugaqarfiit ataasiakkaat illuartitaat Kalaallit Nunaanni aningaaserivimmi uninngasuutigisanut kontomi erniaritit imaluunniit Danmarkimi Nationalbankip diskontoata minus 2%-iusup nalingata minnerpaamik marloriaataanik nalilimmik erniaqartinneqassasut. Taamaattorli erniarititassat minnerpaamik 1,5%-iusinnaapput.

Allatut oqaatigalugu najugaqarfinnut erniarititassat minnerpaaffissaasa 1,5%-iunissaat qulakkeerneqarpoq. INI aningaasaatinik aqutsisutut ima pikkoritsigisimappat, soorlu erniarititanit 2%-it imaluunniit 2,5%-it anguneqarsinnaallutik, 1,5%-it saniatigut pissarsiat A/S Inissiatileqatigiiffik INI-mut tutsinneqassapput.

2004-mi najugaqarfiit pissarsiaat 4,3 mio. kr.-iusimapput aammalu A/S Inissiatileqatigiiffik INI-p pissarsiai 4 mio. kr.-iusimallutik. 2005-imi najugaqarfiit pissarsiaat 4,8 mio. kr.-iusimapput aammalu A/S Inissiatileqatigiiffik INI-p pissarsiai 2,6 mio. kr.-iusimallutik.

A/S Inissiatileqatigiiffik INI-p aningaasaatinik aqutsisuunissaa pinngitsoorani pisussatut piumasaqaataanngilaq, kisiannili tamanna attartortunut iluaqtissiaavoq, tassami erniarititanut killissarititaasut saniatigut pissarsiassat A/S Inissiatileqatigiiffik INI-mut tutsinneqartartut suliffeqarfiup patajaannerulernissaanut iluaqutigineqartarput, nalinginnaasumik inuiaqatigiinnut pingaartumillu attartortumut iluaqutaasumik nuannaarutaasumillu.

3) Allapputit A/S Inissiatileqatigiiffik INI inissiani pioreersuni iluarsartuussinissamut aserfallatsaaliuinissamullu akissaqannginnerartuarneq tusarsaasoq, tamatumungalu atatillugu aperivutit tamanna pappiaqqanik nalilinnik 250 mio. kr.-it nalinginut pisinermut naleqquttuunnersoq.

Apeqquq soqutiginarluinnarpoq arlalinniillu isigisassaalluni. Aallaqqaammut erseqqissaatigineqassaaq inissianik piginnittut tassaammata Namminersornerullutik Oqartussat, tasaanatillu A/S Inissiatileqatigiiffik INI. Aappaattut erseqqissaatigineqassaaq aningaasanik illuartitanik piginnittut tassaammata Namminersornerullutik Oqartussat, tasaanatillu A/S Inissiatileqatigiiffik INI. Pingajuattut erseqqissaatigineqassaaq aningaasat pilersaarutaasumik piffissamullu aalajangikkamut aserfallatsaliuinissamut atugassatut aalajangigaammata.

Inatsisartut 2006-imut aningaasanut inatsisaanni allassimavoq, konto pingaarneq 87.72.13 aqququtigalugu immikkoortunut pilersaarusiameq, 2025 tikillugu Namminersornerullutik Oqartussat inissiaarsuaataannik tulleriiaraluni tamakkiisumik iluarsartuussinissamut tunngasumut aningaasanik illuartitsisoqassasoq. Kiisalu kontomi pingaarnermi allassimavoq ilaqtariinnut ataatsinut illut, illut uiguleriit inissiallu quleriit allat aserfallatsaaliornissaat najugaqarfinni aningaasat illuartit, iluarsartuutassanut minnerusunut allanut aningaasaliissutinik ilaqartinneqartut atorlugit iluarsartuunneqartassasut.

Eqikkarlugu inerniliissutaasinnaasoq tassaavoq Namminersornerullutik Oqartussat inissiaataanni attartortittakkani aserfallatsaaliuisoqartoq, taakkulu aserfallatsaaliu- nertut tullerriaakkatut pilersaarutaasutullu ingerlanneqartut. Tamatumunnga atatil- lugu malugineqartariaqarpoq, inissiat attartortittakkat tamarmik akuersaarnartumik pitsaassuseqalernissaasa tungaanut piffissaq annertungaatsiartoq atorneqar- tussaammat.

4) Ingerlatseqatigiiffinnut allattoqarfik, pisortaqaarfittut oqartussaanermi Naalak- kersuisut siulittaasuata ataani inissisimasoq ilisimatitsivoq, ingerlatseqatigiiffiit Namminersornerullutik Oqartussanit pigineqartut naatsorsuutaasa Nanoq.gl-imut ikkunneqannginnissaannik aalajangiineq allaffissornikkut aalajangiinerusoq, aam- malu tamatumani sukkulluunniit inuiaqatigiinnut ammasumik ingerlanissaannik an- nikillisaaniarneq siunertarineqanngitsoq. Ingerlatseqatigiiffiit Namminersornerullutik Oqartussanit pigineqartut amerlanersaasa ukiumoortumik nalunaarutit akuerineqa- reeraangata nittartakkaminnut ikkuttarpaat. Nanoq.gl-imi ingerlatseqatigiiffinnut Namminersornerullutik Oqartussanit pigineqartunut linkit ikkussugaapput. Taamaa- lilluni ingerlatseqatigiiffiit pillugit paasissutissat, tassunga ilanngullugit ukiumoo- rtumik nalunaarutit, pilertortumik iserfigineqarsinnaapput, paasissutissallu tamakku naatsorsuutit Nanoq.gl-imut ikkunneqartarnissaanniit nutartigaanerusarput. Tassa- lu allannguinermut siunertaasoq tassaavoq pitsaanagerusumik pilertornerusumillu paasissutissiisarnissap isumagineqarnissaa, tamatumunngalu peqatigitillugu allaf- fissornikkut isumalluutinik sipaagaqarnissaq.

Naggasiutigalugu apeqquteqaatitit pilersitsiviulluartut sisamaasut, pineqartoq pil- lugu ersarissanissamik paasititsinissamillu uannut periarfissiisut pillugit qutsavigi- innassavakkit. Inatsisartuni ilaasortat nalornilersillutik apeqqutinik paasisaqarniarlu- tik imaluunniit paasissutissanik annertunerusunik pissarsiniarlutik Naalakkersuis- unut saaffiginnittarnissaat tamatigut pingaaruteqartarpoq. Allaniq apeqqutissaqas- sagaluaruit akissuteqarnissannut piareersimavunga.

Ikinngutinnersumik inuulluaqqusillunga

Jørgen Wæver Johansen